

四庫全書

集部

欽定四庫全書

傅興礪詩集卷四

元 傅若金 撰

五言律詩

發武昌留別諸友

客子南來久京華北望遙交遊驚遠別文物慶清朝江  
漢春先動幽燕雪漸消芳年各努力流歲不相饒

江州社日阻風

社日長為客行人總念羣盜江春過雨廬阜晚生雲淥

酒治聾飲清弦送別聞風檣未得動堅坐且論文

大霧過安慶

水郭浮鮫室雲帆度客星江空連海白山遠入淮青訪  
古聊須到乘流未可停遙疑天柱曉風霧颯精靈

呂梁洪

巨石中流伏盤渦盡日旋善游因土俗近住有人烟險  
或過三峽深疑及九淵輕舟脫魚腹錦纜得徐牽

下邳懷留侯

豪傑關休運乾坤屬遠猷自須成漢業豈獨報韓仇黃  
石嗟長往青山感昔遊同時多草莽事定覓王侯

對雨

到京餘二月聽雨獨今朝暝壓高城暗涼通積水遙猶  
宜深潤澤已足淨塵囂萬里甘為客謳歌樂聖朝

七夕

耿耿玉京夜迢迢銀漢流影斜烏鵲樹光隱鳳凰樓雲  
錦虛張月星房冷閉秋遙憐天帝子辛苦為牽牛

八月十四夜聞雷

京華萬里客已念久離羣月幸中秋見雷驚靜夜聞奔騰迴朔野黯淡帶南雲百感西風裏星河子細分

中秋有感

萬里中秋月孤齋病客心庭闈兼喜懼書問隔浮沉地出西江永天旋北極深蒼茫家國意搔首獨長吟今夜霓裳曲宮中遂不聞乾坤劃慘淡河漢錯繽紛驚背霏寒霧龍髯濕斷雲巡遊多近侍宗社倚元勳

日夜瞻鑿駕生靈係聖躬都門一騎至血淚萬行紅桂  
月虛秋殿梧雲冷暮宮孤臣重北望掩袖立西風  
翠華遊幸地悵望感清塵洒竹啼宮女持弓泣野臣金  
盤殘月露玉座倚星辰獨有龍鸞氣長令草木春

海子上

獨步金河上遙看碧海隅橋疑通月窟船或到方壺鮫  
室寒投杼龍宮夜出珠浮槎八月晚應念客星孤

即事

目斷虞淵日心傷魏闕秋霍光元在漢周勃固安劉廟  
社多佳氣公卿足遠猷辰居終不改羈旅莫深憂

未有龍庭使猶嚴虎衛兵雲山秋色遠星月夜樓明逆  
旅多防盜遷居競入城竊聞定神器且可慰羣情

聞有西宮使還從北極來日浮三島動天抱五陵回羣  
志安中土繁星總上台深知社稷計須仗棟梁材

客舍

清商忽已動大暑欲全蘇竹響秋聲合松涼雨氣俱玄

蟬依木靜蒼隼入雲孤畫扇寧忘汝祇傷節候殊

詰陳宗道酒不至淹高劉諸公坐

酒許今晨至燈從昨夜花遣人聽繫馬留客過栖鴉高  
適邀同坐劉伶興轉賒不成投轄飲悵望隔風沙

賦得天際舟送兵部張孟功治河

日下行人發春晨去鷁催纜侵斜月解帆向斷雲開度  
鳥窺詩卷垂紅映酒杯尋源不可盡奉使幾時回

幽居即事



夏木陰森合晴牕  
隱映開青禽  
翻露起紫鴿  
上雲回酒  
自隣人送書  
因過客裁非  
闕傲朝士  
真畏犯炎埃

地僻連高樹  
庭虛集晚烟  
烏銜朱果落  
蟲曳碧絲懸  
扣戶鳴空盞  
開渠得古錢  
深漸窮巷  
客時枉故人牋

詠大樹答靳御史

大樹高風集  
驚潮四面

一作  
靜夜

來輪困蟠厚地  
蕭瑟撼平

臺雨暗蛟龍  
出天清鶴鶴  
回明堂須重負  
歲晚見竒材  
造化涵滋息  
神靈會渺茫  
色分羣木秀  
陰覆數家涼  
白

晝鳴風雨玄冬度雪霜因知免樵采故解拂雲長

送別汪仲罕赴處州麗水簿

栝蒼晴樹裏遠色正氣

一作氲

氲江白連蒼海山青入縉

雲俱傳習主簿兼似鮑參軍縣路多行客看詩定覓君

夜宿揭監丞齋館

旅舍塵都滿齋居意自幽花時晴獨往樹底暮相留詩  
許家僮學書從坐客求何因謝拘束來往屋東頭

山東王僉事君實數因書問訊以詩代答三首

都門相送別千里只馳情寄鴈經時到乘駟累月行春  
浮海岱闊風入泗沂清遙憶題詩處花開亂曉鶯

聞道輶車出觀風處處臨汶流春雨淨梁甫夕烟沉書  
到能相問詩成想獨吟京華萬里客牢落損鄉心

君家瓊樹好齋館舊相輝客至看皆惜春來見亦稀遲  
遲數字往悄悄寸心違無限臨風意何能把繡衣

送金華王琴士還山

年少京華客

一作士

囊琴暫出山忽聞春水滿徑逐暮雲

還三洞飄玄鶴雙溪下白鷗應尋牧羊子時過綠蘿關

寒江獨釣圖

歲暮漁竿客天寒向水雲孤舟清汎汎雙鬢白紛紛雪  
樹微茫見風篁縹緲聞王車如出獵何處定逢君

次孫伯剛鶴雛詩韻二首

弱羽為人養卑棲每自歸步苔依坐石窺竹映開扉絕  
島秋雲迴空庭夕露微紛紛野田雀終日稻梁肥

青田伏始出華屋到如歸水立風行沼庭淒月入扉已

含仙氣足猶混羽蟲微寥廓終高去軒墀豈自肥

題畫扇

絕境羣峰合深居積水蟠俗人來已少山客見猶難朱  
閣憑風迴青林蓄雨寒此中宜野服何事欲朝冠

挽蘇郎中

蚤歲攻鉛槧長材異斗筭如何違畫省即復返青郊朝  
士傷任隗鄉人慕薛包新城風樹晚行客泪痕交

時世事多違乾坤露易晞斯人嗟已遠令子足相輝白

日明珠樹青雲起繡衣能令墓前石終古照山扉

得舍弟書有喜

忽有鄉關客能傳舍弟書披衣喜不定倒屣問何如竹  
巷新容馬花溪夜得魚吾親足自慰鄰舍總安居

和雨中桃

爛漫多臨水霏微亂塞蹊燕輕沾葉喜鶯滿坐枝低歌  
袖歸時濕行舟望處迷夜聞春漲發因憶武陵溪

中秋分題賦廣寒殿

月殿懸銀榜雲階倚玉梯  
沈寥天上出回合霧中迷  
御氣通黃道仙音合白霓  
行人不敢近桂樹長皆齊

奉和揭監丞立春病中之作

京華頻立春年老更迎新  
汗竹從官事儲叅養病身  
乾坤萬化出日月四時均  
小閣長吟裏清詩獨過人

相思梅蘂春復見柳條新  
霜雪頻過眼雲霄各置身  
感時懷子美違俗憶靈均  
肺病今何似朝來未見人

近日

近日人皆棄方春客未還憶尋雲外路吟看雨餘山庭  
草通行履簷花對掩闕蕭然坐離索此物慰羈顏

獨客書空坐驚塵過眼飛亦知窮巷窈能使故人稀雪  
樹晴猶濕春苗暖漸肥風光歷庭戶多謝不相違

揭監丞枉和仍韻奉謝

花樹鶯初亂江城鴈欲還春愁兼獨坐暮色更千山風  
雨蛟龍宅星辰虎豹關年華將世故不用損朱顏

城闕春風起樓臺霧雨飛雜花移欲遍幽樹種仍稀



水鳥時時狎林鳥箇箇肥獨憐生事拙常與世情違

寄題余泰昌隱居

聞說幽栖處遙連郁水天徑開移竹地渠飲灌花泉坐  
客留傾釀隣人訪草玄京華遠遊子那得共盤旋

挽徐希韓

浦城人性好  
竹號筠山

少日遭離亂經年葺喪亡吟詩自可老好竹未能忘學  
舍餘春雨封丘對夕陽傳經仍不泯遺澤故應長

挽徐春山

浦城人  
葵巖嶺

道路干戈後，田園積累餘。  
族賙年歉粟，兒課夜分書。  
巖樹成新冢，山花落故居。  
欲從高士傳，潛德在鄉閭。

和王著作曉起偶成

宿雨過前林，微風泛客襟。  
螿沾槐下屐，蛛挂竹間琴。  
同巷常疑遠，過門轉覺深。  
知君揮玉麈，揮罷更長吟。

盧溝橋

古道曠秋色，平橋卧夕陽。  
水聲西下急，山氣北來長。  
數騎凌空闊，孤烟入渺茫。  
人傳耕種地，宿昔戰爭場。

拒馬河

落日蒼茫裏，秋風慷慨多。  
燕雲餘古色，易水尚寒波。  
岸絕舡通馬，沙交路入河。  
行人悲舊事，含憤說荆軻。

薩天錫畫屏

入坐聞流水，開屏見遠山。  
路通烟樹窈，門對野橋閒。  
拄杖晴俱出，漁舟暝獨還。  
祇慙萬里客，塵土汙朱顏。  
娟娟幽竹好，箇箇倚天長。  
白日含烟雨，清秋動雪霜。  
渾疑過雲夢，猶憶對瀟湘。  
何日開三徑，吹笙引鳳凰。

延津渡河

驛路南征遠河津曉渡危風霆劃簸蕩雲日互叅差鳴  
櫓中流急懸帆出沃遲交州却回日應及水清時

金竹道中書題驛壁

征南萬里使行道畏蹉跎平壤踰淮少青山入楚多田  
依深谷轉路迫斷厓過後夜南樓月羈離奈爾何

對雨

飛雨飄颻至庭樹發餘榮隨雲縱渡閣從風雜入楹依

微方露密晷歷配絲輕繁思良難理虛襟坐復清

道傍松

鬱鬱羣松裏蕭蕭數騎行色愁侵帽碧寒畏入衣清遠  
霧看時合微風聽處生棟梁須汝在來往莫相輕

石塘驛

道路清秋莫林密白晝昏入松雲氣滿傍竹雨聲繁信  
馬知前驛聞雞識近村偶然逢水石真使慕田園

蒲圻道

蕭瑟行松竹蜿蜒出薜蘿地臨江北重水近岳陽多赤  
壁殘雲去青山宿雨過登高望不極懷古意如何

港口曉行

早起星猶在前行路稍分人家隔樹見山鳥過橋聞澗  
響多於雨林昏半是雲曉逢力田者愧爾一生勤

臨湘

宿雨愁泥滑長途畏日斜黃歸斷徑犢青聚古祠鴉野  
屋時依竹山園各種茶巴陵看漸近遙識故人家

平江道中

洞庭南去路幕阜翠峻增走馬千峯過哦詩萬谷磨竹  
深園亂棘松老落寒藤明日長沙道梅花發未曾

熊羆嶺

百折疲登頓羣峯互接聯風烟含古木雲日射寒泉路  
出飛猱上江流去鳥前據鞍臨絕頂注目盡遙天

柳先生祠

江抱零陵郡山藏鈷鋤潭古人如水去祠樹與天參述

作籠諸子風騷過二南後來竊時譽吾輩得無慚  
才大常為累居深久自安蟲蛇霑翰墨魚鳥識衣冠息  
壤風烟古愚溪月露寒經過懷故迹繫馬重盤桓

桂林

桂林南望遠山路與雲連淺水清涵石攢峯亂刺天干  
戈仍歲月瘡癘接風烟蠻寇何能定邊氓亦可憐

賓州

過嶺冬猶熱綠山夜未寧樹殘兵後赭草發燒餘青西



寇迷仙霧南人恨使星民居日稀少唯見短長亭

仙奕山

絕壁青天裏危亭綠樹中雲封丹竈冷日照石平空五  
嶺塵猶暗三山路豈通黎民憂盜賊何處覓仙翁

大小石壘

嶄絕山如削崎嶇路欲荒竹繁兼霧暗藤落與風長鳴  
鳥時相近垂猿巧自藏只疑人事隔隨處藥苗香

臘日入安南

冬入安南國雲迎使者軺郡聞秦日置柱想漢時標江路  
篁猶穽山田稻始苗皇恩涵遠邇行役不辭遥

憑高

世祖初開業安南早貢琛國蟠蝸角小地接犬牙深使  
節猶頻入蠻兵莫見侵數州須拯恤萬感寄登臨

佗覽驛

日月低銅柱雲霄下璽書山通漢使道田統馬人居文  
字雕題後衣裳斷髮餘檳榔雜雞黍相迓滿郊墟

將歸

道路南馳遠，山河北望深。  
班超晚投筆，楊震夜辭金。  
事往徒勞問，詩成只自吟。  
昔人閒倚柱，誰謝此時心。

答別龍州蕭從事韶

北極絲綸下，南陔政化通。  
靈槎浮度斗，瘴草偃隨風。  
殊俗難為別，清談喜屢同。  
馳驅不可住，心切大明宮。

使節明金虎，腰弓偃畫蛇。  
蠻夷趨號令，原隰見光華。  
邊樹猶含綠，江梅各放花。  
憶君依幕府，何日定還家。

還聞柳州破道阻將沂江

交趾方通使賓州忽被圍還聞山路塞徑就水程歸上  
府空金椀前軍老鐵衣誰能平政化不事總戎機

梧州嘉魚亭

舟楫回沙驛旌旗駐郡亭江通五筦白天落九疑青此  
日瞻雲氣誰家見客星軍須晝夜急寇盜一作掠幾時寧

崇仁峽元日思親

野宿逢新歲鄉書隔故園樹間深倚棹沙際迎開樽水

影搖江獺巖聲應峽猿高堂鶴髮在萬里憶兒孫

別靜江文學諸公

乍見先愁去將行未忍分字期歸後寄歌畏別時聞驛  
樹通春雨江船隔夜雲驅馳念吾弟羽翼待諸君

和智禮部早發興安

早發興安道人瞻奉使搓雨來鳴近樹雲去落誰家解  
纜眠看竹哦詩獨煮茶歸程足幽意莫向市朝誇

浯溪

艤棹依江岸尋橋過寺門竹深題字滿苔古刻文昏石  
色兼雲冷溪聲雜雨喧活亭正何處為覓漫郎孫

石鏡

方石開玄鑿寒輝截古銅映天渾欲迴含物坐疑空雲  
影無時度江光盡日通往來多自照妍醜莫相蒙

衡湘驛

烽火連諸郡旌旗轉百蠻野鶯先客至江鴈及春還吳  
楚青天迴瀟湘白日閒登臨慰懷抱况復近鄉關

長沙見嚴親

遊子方春至嚴親盡日憐別來憂道路喜定問山川百  
粵元過嶺三湘總入天歸朝誠努力江上莫留連

金陵晚眺

金陵古形勝晚望思迢遙白日餘孤塔青山見六朝燕  
迷花底巷鴉散柳陰橋城下秦淮水年年自落潮

沛縣

縣路迷青草行人蔭綠楊時逢沛父老能說漢君王芒

碣來秋氣彭城送夕陽憑高發慷慨遠色正蒼蒼

六月二十八日至京

使節違雙闕天書下百蠻雨蒸歸日路雲合去時山嶺  
表兵猶動灤陽駕未還安邊數策在不得犯龍顏

中秋同王叔善諸公分韻得中書字

皓月開良夜清颯洗大空氣浮銀闕動光與玉壺通霧  
露分毫末河山得鏡中寂寥今夕會歡喜故人同

城闕臨秋迥庭軒抱月虛桂枝涼可把桐葉淨堪書會



合驚時序飄零憶里閭壺觴聯共引文字足相於

題陳大禧山水

古木風烟底遙山霧露餘野船依渡小村舍隔林虛路  
暗疑聞犬江清或見魚行人向何處應就白雲居

賦贈秋海樓堦

長天盡碧海遠色赴高樓日湧層波夜風迴絕島秋鉤  
簾逢鶴度倚柱見龍游何日臨空濶從君望十洲

胡廷英箕山別業

高年餘菊水別筵在箕山野鶴行相逐溪雲出自還樹  
陰迎客健花下引孫閒游子京塵底聞風欲汗顏

酬黎別駕

遠道勤相憶明時愧不才偶乘天藻出親到越裳來離  
別留詩卷登臨罷酒杯尺書非敢愛南鴈或遲回

酬景德載

迂澗長憂世羈離久任天春歸萬里別臘盡一書傳江  
漢謳歌底瀟湘盜賊前相思未即見真愧德公賢

和王申伯寄子伯昌叔善

聞有閩中使，遙憐闕下寒。  
客袍裝恐薄，賓館住宜安。  
天廡千金足，霜空萬里翰。  
丁寧重遠業，留簡後來觀。

尺素題封遠，驪珠滿把寒。  
長吟中夜起，清夢幾時安。  
霜雪驚華髮，風塵惜彩翰。  
王家子弟好，吾輩得相觀。

骨肉拘遊宦，田園隔舊鄉。  
竹間刪後美，松見種來蒼。  
著述工何用，驅馳苦倍嘗。  
承家不可墜，季子寂相望。

一老淹閩海，三年憶帝鄉。  
珠非照乘赤，壁是禮天蒼。  
文

物歸朝覲聲詩托禘嘗周南不必恨有子慰深望

挽栝蒼姚君衛

南宋傾危日東園隱逸年芝雲瀑泉外松月爛柯前自  
決生營葬人疑坐得仙猶聞化去日能寫示兒篇

處士樵歌遠空山宰木寒田生晚傳易陶令早辭官白  
日開琪樹青天天下玉棺看君真不死文采映芝蘭

挽李森高夫婦

厚德鄉評在高情世事違孟光能共隱蕭史不同歸夜

雨悲懸榻秋風憶斷機承家足文采同穴有光輝

挽劉侍御

臺省思耆舊朝廷失老成遂悲劉寔死猶擬謝安榮  
星落長沙白霜留建業清湘山夜來月還照泪縱橫

京師守歲

日月催時序乾坤隔晦明殘年萬里夢今夕幾人情  
久客煩朋友雙親倚弟兄深慚須薄祿不得謝浮名

次黃次舉韻

尋君已出俗久立向空庭把袂驚相得開樽愧獨醒雪  
餘梁樹白山憶故園青未有同歸日哦詩且共聽  
蚤歲違鄉里終年戀闕庭久同今日俗敢謂古人醒奉  
使心常赤逢人眼倍青紀行多近事愁思不堪聽

送羅憲使

雙闕除書下三山綉使來荔枝迎馬折茉莉近人開輕  
策行時把單衣上日裁不須愁濕熱永雪滿烏臺

使節安邦郡輶車出帝京星連百粵動風過七閩清

貢賦東南入瘡痍  
日夜生到官頻訪問  
常使慰羣情

發通州

燕騎經旬發吳船  
此日行樹知風起色  
帆識雨來聲驟  
轉長林暗斜分絕  
塞明河流今夜滿  
無復滯歸程

野樹龍蔥合官橋  
屈曲通入天迷遠  
近看日得西東  
酒旆青搖水漁罾  
白映空時還問村  
落何必似城中

河西務

驛路通畿甸  
教倉俯漕河  
騎瞻南日去  
帆聽北風過  
燕

蒹舟車會江淮貢賦多近聞愁米價素食定如何

直沽口

遠漕通諸島深流會兩河鳥依沙樹小魚傍海潮多轉  
粟昏秋入行舟日夜過兵民雜居久一半解吳歌

海戍沙為堡人家葦織簾使催通漕米兵捕入京鹽蟹  
憶霜時賤蚊愁夏夜添歸人倚船坐閒愛草織纖

五月二日青州

舟行旦復莫愁坐惜離羣斜日看帆影微風愛水紋鄉



心增渺渺節物漸紛紛何處榴花色如今似舞裙

長蘆

水國常含鹵沙場業者鹽轉輸分使出征權置官監橋  
壞仍通市船來總落帆依依道傍柳無賴拂征衫

秦郵

縹緲平湖白微茫遠樹青田分高下水道俯短長亭鶴  
鴨烟中亂魚蝦雨裏腥秦郵看漸近城郭記曾經

湖中方洲即景

野屋垂楊裏方洲積水回  
船通菰葉過門對藕花開  
豈是嫌城府真疑斷往來  
居人惜未學詩句不能裁

安慶

驛路通淮甸歸人及皖城  
山圍天柱起江赴海門傾  
孤塔凌風迴危樓近水明  
舟中頻悵望猶憶去時程

初歸

遠道起鄉國中宵夢弟兄  
松篁數里見桑柘十年成  
慈母驚相問隣兒笑共迎  
無錢未是恨骨肉慰離情

送羅克一為李太守之金陵市書

泮水諸侯學名山大史書萬籤懸日亂層閣佇雲虛發  
帑增收蓄升堂備卷舒知君遠行役不敢獨懷居  
銀漢通秋使金陵入曉行人稱蜀太守士得魯諸生畫  
舫歸時重青編到日成惟應問俗者因爾得風聲

燦明叟修崇慶寺

壞刹連囂市新功啓施財斧斤雲外集樓殿日中開紺  
樹明珠網青蓮映寶臺極知龍象法終倚棟梁材

銀漢興危構金輪轉大車像巖香是國僧至飯如家半  
嶺晨飛錫諸天晝雨花林泉渾欲改城市忽疑賒

西隱庵

大隱還依市空林舊結廬猶聞拔宅去誰見入壺居闔  
樹圍僧衲山花落梵書幽人數來往高興定何如

送鞏志道桂憲使

憲使才名舊南還歲月遲湘中獨發夜嶺外早行時暑  
雨過榕樹涼風起桂枝殊方慎寢食莫遣髮成絲

相見嗟已晚相知情獨真  
一生多好直終歲少言貧  
豈是經微祿祇應念老親  
送君徒悵望心迹不堪陳

五嶺連烏府羣賢列綉衣  
閉門文史足巡郡簡書稀  
日月明丹徼風雪滿翠微  
時勞念踈遠吾道亦光輝

卧病

風雨長沙郡泥塗陋巷居  
病嗟眠食少貧覺往還踈  
楊柳低牕濕莓苔映座虛  
淹留未足恨昆弟久無書

志道雨中留飯

急雨侵危坐長衢滯獨行乾坤一氣塞溝壑衆流生巢  
鳥憂漂戶江鷗喜結盟主人因飯客對此未忘情  
箕畢星多好江湖水亂行暑兼雲氣濕秋共客愁生東  
海猶聞變南夷數背盟相逢得相慰世故莫闕情

張振卿見訪和韻

漂泊憐生事經過念索居紫苔歸鶴晚青竹照螢踈避  
俗門多掩期人席久虛題詩擬相屬桐葉正堪書

近聞長者轍能到故人居青眼非闕傲蒼頭或見踈孤

城秋水迴高樹夕陽虛想見池亭裏歸來試草書

挽黃君政

棄吏初安業遺榮樂莫年藥同康伯價書異石公傳庭  
月餘秋樹湖雲隔夜泉岳陽耆舊在揮泪鄂山前

竹樹圖

匠石求林盡伶倫製律餘畫圖開莽蒼牕戶起蕭疎江  
漢秋雲迥瀟湘夜月虛故山泉石在種植意如何

挽朱斗南

鄉里生離亂丘園老治平讀書長嗜義推食豈求名南  
斗龍光在西岡馬鬣成兒孫哭遺業寒日黯銘旌

常寧劉百戶園林

勝地通虛館遙天出亂峯市聲臨水絕雲影到池逢溪  
篠搖飛鳳庭柯走蛻龍田廬應可老尊俎日相從

頗愛將軍第幽同處士園石浮春雨翠溪抱夕陽喧虎  
嘯空懸壁熊居數過門遙疑花樹底雞犬近仙源

少壯從戎事歸休遂野情鶡冠時自著龍劍夜猶鳴竹



下思羊仲瓜前感邵平知君縱幽賞心已薄浮名

春日名園好常時俗客稀樹間斜引徑花外別開扉沙  
鳥隨行熟池魚上釣肥往來祇適興出處已忘機

小隱依侯甸芳筵照客星傍梅杯瀉白當竹座含青山  
氣分南岳江光赴北亭暫游聯自記重到憶曾經

善原道弟原性處問舍弟信

令弟來衡岳何時出桂林干戈百粵外舟楫五湖深惜  
別長回首言歸總慰心嶺南子季在書問豈浮沉

送巴陵諭張復心

化俗須文物成功錄歲年祿微那避事官冷亦稱賢組  
豆諸生在絃歌一邑傳洞庭臨別日總有送行篇

挽楊都曹

都縣師秦吏江湖屈楚材上官勞薦引中路坐迂迴賓  
幙秋蓮廢仙源夕樹開佳兒舊相好聞問不勝哀

美齊東王師獻

聖代昭耆德王家重伯凡性疑元亮簡心見伯夷清海

岱成高隱江淮罷遠行潛夫堪著論處士豈虛名  
太史書遺逸今時見古人曾參無更娶原憲有長貧  
糧絕寧終餓廬焚竟自陳高情嗟已矣薄俗愧真淳

又上人求母汚陽

開士辭家早慈親割愛深倚門思一見飛錫擔相尋  
鴈度雲移寺烏啼月照林此時憂白髮長路政關心  
受法從西竺懷恩限北堂書來一洒泪經罷九回腸  
漢沔連春水江湖散夕陽袈裟拖樓底遠色正蒼蒼

答楊聞禮

家學存先業囊書受異人  
江湖行欲徧山水宿相親  
黃壤羅翁仲青雲滿縉紳  
百年多宅兆融結任鴻鈞

城市逢君地庭軒為客開  
花陰通杖屨木末見樓臺  
對雨傳飛鰓看雲撫畫巖  
淹留未覺久猶恐過黃梅

和贈陳與之

午日清江道南風滿綠蘋  
暮年為客健長路對人貧  
憶弟餘雙鬢還家稱一身  
有孫堪慰眼莫厭把盃頻

桃源圖

聞說避秦地花間忘歲年  
偶逢漁父問長使世人傳  
丘壑渾疑幻林廬或近仙  
至今圖畫裏惆悵武陵船

送雲間師遊剡

杖錫違蕭水風帆向武林  
海紅秋樹遠江黑暮鐘深  
雲起通香氣潮來合梵音  
亦知無住著隨處得安心

吳越青山亂隋唐古寺多  
雨中持鉢去松下棹船過  
業淨唯詩在心空奈法何  
故山明月夜猶恐憶烟蘿

新編  
欽定  
四庫全書

傅與礪詩集卷四

欽定四庫全書

集部

傳與礪詩集卷六

詳校官編修臣曹錫齡

中書臣劉源溥覆勘

總校官進士臣朱鈞

校對官學正臣翁樹棠

謄錄監生臣鄒世俊



欽定四庫全書

傅與礪詩集卷五

元 傅若金 撰

七言律詩

道士磯阻風過呂相墓

危檣風急晚相依  
間謁荒墳吊落暉  
白酒暫謀同輩飲  
青山因感昔人非  
荆襄萬里空殘堞  
吳楚千帆掠斷磯  
今古高門總丘墓  
英雄何用苦霑衣

韓淮陰廟

淮陰萬古英雄恨楚樹荒荒夕照殘水夾廢城春草合  
雲昏遺廟野花寒封齊安用真王印興漢空餘大將壇  
高帝旌旗俱寂寞斷碑零落後人看

桃源道中

憶曾親到武陵回忽遇桃源偶自猜豈有水通仙洞去  
祇疑花映縣門開日明畫戟官船上風獵黃旗御膳來  
想得故園寒食節共言遊子近燕臺

宿遷舟行

天涯風物最關情，每問舟人計驛程。  
幾處新蔬隨晏食，誰家艷杏照春晴。  
水通淮海波濤壯，地入青徐土壤平。  
正憶祓除逢上巳，可慚寥落過清明。

黃河

黃河萬古來天上，白日千雷鬪地中。  
浮水巨鼇時出曝，傍巢靈鵲自知風。  
神珠化濁何由得，仙木尋源或可通。  
聞道千年聖人出，此生何幸見時豐。

徐州

斷山數里見浮圖，水樹微茫映日踈。  
舟楫盡經危石過，人烟稍近白雲居。  
朱陳村遠思遺俗，楚漢臺荒想故墟。  
萬古風帆自來往，新詩吟罷獨躊躇。

沛公亭

遙山寂寂對危亭，壞礎欹沙柳自青。  
四海久非劉社稷，千秋猶有漢精靈。  
豐西水散烟沉浦，碭北雲迷雨入庭。  
坐想酒酣思猛士，歌風臺下晚冥冥。

濟州遇大風

黑風揚海舟欲翻黃塵蔽天白日昏牽江百丈有寒色  
轉野孤蓬無定根少年涉歷深世故長路艱難銷客魂  
坐笑杞人真不慧浮生久已信乾坤

會通河伯祠晚眺

水神祠下晚維舟閒倚宮碑誦遠遊西日射雲明獸几  
北風吹土集貂裘漳川近繞幽燕出汶水分無濟潔流  
過客豈知䟽鑿苦當時荷鍾幾人愁

至京

京國古為形勝地野人今識帝王居無時雲氣浮金闕  
盡夜奎文映玉除豈復常何須論事蚤聞司馬已成書  
袖中獨有長楊賦欲向何門曳客裾

詠懷

一春風浪淹行客六月塵埃滿上京  
鄰館朝烟同杵白故園暮雨隔柴荆  
西州近日猶防寇南詔經年久用兵  
獨夜起瞻龍虎氣五雲終繞鳳凰城

駕發

天門曉啟黃金鑲路馬遙翻碧玉蹄銀燭熒熒花外出  
翠蕤冉冉柳邊迷千官劔佩屯雲合五衛旌旗擁日齊  
後夜龍沙駐清蹕侍臣不寢聽鳴雞

呈王繼學大參特領江東憲二首

丈人文律擅風騷往昔朝中屬望勞宣室近聞徵賈傅  
漢廷重見遣王褒蒼松雪後森森直玉樹風前凜凜高  
幾處瘡痍待蘇息遙瞻使節下江準

蚤年弄筆向山阿行徑春深長辟蘿逸駕未能攀屈宋

苦心虛擬過陰何南遊澤國黃塵滿北望都門紫氣多  
最說蓬萊舊仙侶妙音時復奏雲和

登樓

樓上秋風吹畫屏樓前秋思滿都亭金河水去涓涓碧  
瓊島雲來冉冉青近見蕭何成第宅舊聞汲黯在朝廷  
明時進用多英傑迂腐深慚守一經

秋興五首

天上旌旗捲莫寒人間鼓角送悲酸瑤池日落迴青鳥



月殿浮雲掩素鸞  
楊柳漸稀秋瑟瑟  
芙蓉已老露溥溥  
砧聲苦近南隣客  
寥落羈懷強自寬

落木蕭蕭滿帝畿  
蟲飛處趣寒機  
客星入斗秋深見  
神女行雲日晏歸  
復喜諸公扶社稷  
祇憐弱弟奉庭闈  
短章諷罷頻回首  
目送江南鴻鴈飛

梧桐樹晚細含烟  
閭闔門深總映天  
龍去鼎湖雲漠漠  
鶴吟華表月涓涓  
東都日望金輿發  
南徼猶驚羽檄傳  
只在忠良勤夙夜  
五陵佳氣故依然

白日遙看錦繡懸  
重重樓閣隱青烟  
或在諸天外  
方丈長疑積水連  
每說神僧飛杖錫  
更聞童女上樓舡  
西風日暮何蕭瑟  
一度憑高一惘然

敝裘已畏早寒侵  
歲月祇驚久客心  
莫倚長卿能作賦  
始知季子故多金  
天門守虎星辰冷  
雲氣從龍霧雨深  
直北關山時極目  
背人聊復短長吟

題張齊公祠

將軍結髮事先朝  
百戰山河血未消  
總說霽雲能慷慨

兼聞去病最嫖姚  
烟塵劍戟迷秋峒  
風雨旌旗落暮潮  
自古英雄須廟食  
精靈何待楚辭招

送湘中李從事赴郴幕

長沙上游山水窟  
郴陽自古說名邦  
天圍翠岳連三楚  
地合清湘赴九江  
歸去收書經石室  
坐來拄版對寒窓  
西風慘淡都門別  
莫愛青樓倒玉缸

和宋子與病中

知君憔悴對醫師  
總為庭闈接夢思  
去國休題王粲賦

憂時苦愛杜陵詩  
關河落日傳飛箭  
城闕高秋逸畫旗  
自有羣公勤輔翊  
不妨羈旅暫栖遲

寄漢陽黎暹州

郎官湖頭秋月輝  
大別山下暮烟微  
隣家竹好題詩到  
別墅花濃放棹歸  
稚子攤書黃葉下  
野人送酒白魚肥  
惟應對客多清興  
解念征塵染素衣

寄馮架閣

風沙獨走燕臺路  
秋思長懸楚觀雲  
直北索駝終日見

向南鴻鴈幾回聞。過門每憶逢春雨。迂轡能應坐夕曛。  
數就行人問消息。知名總說漢馮君。

宗天門朝賀

輦路塵清列羽林。侍臣鵠立肅森森。風含鳳吹青冥閣。  
日射龍旗紫極深。兩廡佩趨臨水玉。九門詔出映泥金。  
從來湯武須傳業。更在伊周老盡心。

雪中次元茂才

北闕今晨雪滿墀。腐儒憂國畏人知。月寒弱水迷三島。

雲暗蒼梧失九疑，瑞木細飄天上葉。  
梅花潛發嶺南枝，山陰那得乘佳興。  
起遶前軒自詠詩。

客館對雪

主人並馬清晨出，獨客揮毫白晝吟。  
空院雪花時近眼，故園梅蕊總闌心。  
天迷漢節南征遠，月冷燕臺北望深。  
但使年豐成國用，敢論遊子少黃金。

元日

漂零京國逢元日，俯仰乾坤任四時。  
天上椒花虛作頌，

江南梅蕊廢題詩三山日動蒼龍闕六管雲迴翠鳳旗  
元老議成周典禮小儒思見漢官儀

正月十七日臘正門觀迎接口號

南徽旌旗萬里迴中天城闕九重開龍門仗簇青雲起  
鶴禁香通紫氣來父老多流去日淚公卿不乏濟時材  
已聞奉璽歸金室早聽趨朝進玉杯

和宋架閣病後出遊

近說能詩宋之間還同多病漢相如出門跨馬驚春晚

臨水聞鶯似夢餘  
柳邊苑路通飛觀  
花底宮泉溜決渠  
每歷鳳城多雜興  
須君把筆更來書

送賀尚書致仕後赴召上都

使者徵行立曉風  
宰臣傳詔守離宮  
闕中舊憶留蕭相  
江左俱看赴謝公  
路經琴峽秋聲滿  
天繞灤河御氣通  
聞說至尊勞睿想  
莫令行色後賓鴻

送唐子華赴嘉興照磨

子華名棟吳興人善畫

聞君秋思滿南湖  
行李今晨發帝都  
幙府初乘從事馬



江城還憶步兵鱸樹浮白日山侵越潮蹴青海入吳  
閭暇憑高動詩興須成一醉掃新圖

和孫太常元日

日射天門海霧晴雲飄仙路島風輕柳邊仗出開旂影  
花底朝回散佩聲為客頻占新歲事思親復起故鄉情  
不論萬里羈離苦惟願朝中政化平

澧陽橋

謝家作橋澧水上行客題詩江霧中天接五溪南去水

地連三楚北來通青龍莫見雲汀濕烏鵲秋間月渚空  
聞說道傍多駿馬何人環珮立西風

春雪次韻

纔見天花散碧寥即看庭樹失青條侵香靜向金虬滅  
拂舞輕兼綵燕飄只怪春叢俱爛漫可知年穀最豐饒  
寒驢莫出多詩思却恐傍人擬灞橋

出郭

晴光縹緲汎青春遠色氤氳動紫塵出郭自因芳意早

尋幽兼得野情新  
花邊古寺翔金爵  
樹底高墳臥石麟  
却倚層丘望城闕  
上方雲氣繞龍鱗

送會稽方泳道之松陽令

松陽令尹之官去  
三月都門柳拂衣  
作郡舊聞成式在  
去鄉今見買臣歸  
春光繞縣居人滿  
秋柿連村過卒稀  
從此管絃遍閭里  
看君鳧舄近雲飛

寄河間趙運使

雪盡官河春水生  
移家還出鳳凰城  
竹間退食占靈鷲

花外題詩聽早鶯  
鹽井青烟晨縹緲  
漕溝素月夜分明  
京華久客遙相憶  
欲托音書不稱情

送臨川僧明極

天寧堂中雲所居  
生公聚石意何如  
山前振錫應逢鶴  
池上開函或召魚  
有時風樹鳴珠網  
當畫天花墜寶書  
豈憶今晨送師處  
薊門南望說鄉閭

送馬伯成書大典恩授學官待次歸

蚤聞獻賦擬揚雄  
晚說傳經出馬融  
載筆舊登天祿閣

將書能到大明宮苑花送酒歸時發江樹迎舡去處通  
會待詩書化干櫓青燈重約故人同

送杜德常御史赴西臺二首

御史才華舊留省郎翩翩雲路起鵷行天回紫閣明奎壁  
地切烏臺動雪霜分陝定存周禮樂過秦猶有漢文章  
欲因巡郡還搜訪別酒臨風意獨長

繡衣此別定如何驄馬西行處處過驛樹蒼茫連灞澗  
江花浩蕩過岷峨三秦久訴誅求盡六詔仍聞警急多

早聽封章切肝膽為憐編戶困兵戈

憶到京華未相識將詩往往向人傳  
祇慙燕石登重櫃  
豈有驪珠出九淵  
青雲滿路逢傾盖  
白日臨歧送著鞭  
好去南城訪遺譜  
杜陵自古盛才賢

送方從事赴潮州二首

闕下風流秘省郎  
移官萬里向潮陽  
樹邊海氣浮天闊  
雲底瀧流出地長  
見客惟應辭薏苡  
思親定復憶枕榔  
諸公佐郡多能事  
日對韓山送酒觴

都門十月把征衣腸斷千峯木葉飛江上也知鱸膾美  
嶺南還恐鴈書稀梅花月落晨趨府榕樹雲生晝掩扉  
幕下故人如問訊帝鄉為客未能歸

寄潮州袁經歷

去歲京華歎別離千回坐想到州時潮人載酒昌黎宅  
海客移船廣利祠南去祇憑相憶字北來頻問近題詩  
嶺梅處處開應好何得春前送一枝

送蒙古潘學正

奎宿疑華協帝符龜圖呈畫照坤輿衣冠治定通重譯  
竹帛文同變六書分教已從官獨冷致身寧論術猶踈  
明朝鼓棹瀟湘去處處秋杭薦白魚

次韵元日朝賀

宮漏催朝燭影斜千官鳴玉動晨鴉交龍擁日明丹宸  
飛鳳隨雲繞畫車宴罷戴花經苑路詩成傳草到山家  
小儒未得隨冠冕遙聽鈞天隔綵霞

對雨懷揭監丞病起



微雨霏空坐轉添把書終日對廉纖霧交忽復深連海  
風引時能近拂簾樹底征鞍愁易濕花邊坐席喜相霑  
孰知病起多幽思行樂時時過畫簷

答張自觀自江右贈詩至燕

十年江國苦淹留萬里京華恣遠遊坐客浪傳鸚鵡賦  
市人爭指驕驕裘久疑傳說騎箕尾空使張華望斗牛  
此日朝廷盛文物春來相望莫深愁

和揭監丞聞王少監宅二月梅花盛開

南州臘近梅偏盛，北地寒多暖始繁。  
總為蕭疎含冷色，獨判遲暮答春恩。  
誰家愛樹開幽徑，此日逢花憶故園。  
何遜能詩意無限，莫將愁思繞孤根。

送周士推歸盱江二首

華子岡頭春色幽，麻姑洞口好山稠。  
天晴暗草生歸思，日暮濃花喚別愁。  
岐路不堪長送客，故鄉那得便同舟。  
知君文力驅江海，豈學蘇秦著弊裘。

為客京華歲易遷，看君游倦獨幡然。  
更同夜語何由得

不漫春還也自賢作賦未成前殿奏論經猶擬後生傳  
仲舒况有賢良策漢主經營最盛年

和孔學文從奏延春閣

宮漏沉沉曉仗移  
袞衣當殿聽朝時  
風含雞舌飄青瑣  
日射龍鱗動赤墀  
奏對御筵多密近  
退趨春院總委蛇  
喜聞近日稀游幸  
閣下儒臣出每遲

題王晉之崆峒山房

君家堂上小崆峒  
開鑿猶疑見禹功  
青潤每愁靈雨至

白虛常喜細泉通  
縵山遠色來琴底  
良岳餘姿落座中  
欲侍軒轅親問道  
廣成何許倚秋風

小空同  
石名

秋日巡山和王君實四首

大駕常年幸舊都  
守臣巡徼禮如初  
西山雲氣來仙島  
北極天文繞帝居  
龍去欲騰秋水劍  
鴈回疑得上林書  
山河滿目今全盛  
戢武才多國未虛

九重城闕擬清都  
萬井閭閻倍國初  
但見縱緜無急警  
始知雞犬亦安居  
鈞陳月轉秋移仗  
太一天低夜降書

聖主肅興思輔治由來廊廟不宜虛

巡山千騎接神都穀滿秋田露下初烽火不聞乘夜警  
人煙多見入雲居百年禮樂成周典萬古山河列漢書  
喜有新詩繼風雅諸公才氣總凌虛

衣冠如雨耀神都郊甸新涼拂馬初日月近臨黃閣貴  
風雲迭限紫宸居少陵謾擬陳三賦司馬先能著八書  
想見九關嚴守虎玉堂金殿最清虛

七月十一日赴安南

燕城秋早五雲開路入南交幾月回奉使始從天上出  
行人爭看日邊來班超萬里終投筆郭隗千金更築臺  
聖主恩深極炎海伏波銅柱任蒼苔

馬上

四牡光華照早秋路人傳看使交州青雲北起飛龍闕  
白日西明洗馬溝山上浮圖兵後石道邊斤堠古時丘  
據鞍欲訪前朝業沙草微茫水自流

涿州樓桑村先主廟二首

先主君臣並材傑天傾炎漢苦須扶曹瞞力盡纔分國  
葛亮謀成竟託孤道路只今通隴蜀山河無復限荆吳  
行人為指樓桑廟腸斷西風散白鳥

孤村縹緲見靈祠廢宅蒼茫失故基蜀鬼夜還風滿蓋  
涿人朝祭雨霑旗璽文定復歸寒水桑影猶疑覆短籬  
終古鄉間有遺恨衣冠空想漢威儀

登真定龍興寺閣

網戶層層映日開寶欄曲曲近雲回水連鉅鹿河流合

山走封龍岳氣來天樂有時飄下界佛香終日覆前臺  
微軀新病宜高爽倚柱長吟莫却迴

公事畢重發京師

故人送別古城頭已去重來不敢留司馬舊為持節使  
洪喬今作置書郵路蟠冀魏通江漢山盡荆吳入斗牛  
却到日南應萬里早春還憶鳳凰樓

范陽

督亢陂前草沒沙武安廟下客思家西風落日猶驅馬



北地秋陰亦見蛇不勞鄒衍重吹律何得張騫獨泛槎  
從此南征思何限象林銅柱更天涯

藥城驛

極目荒城斷復連古人遺跡種為田陳餘墓沒秋雲裏  
藥武臺荒夕照前豈有聲名驚絕域惟將文字紀流年  
西風傳舍塵蕭瑟南北經行亦可憐

趙州石梁隋李春造上有張果老驢跡

趙州南梁石壯哉李春舊刻暗塵埃水流日月隋唐去

山捲風烟冀魏開白驢誰見仙翁度  
駝馬今迎使者來  
却恨秦人駕東海謾勞心力望蓬萊

梁作橋

磁州

曉出邯鄲露滿空武安紅樹起西風  
鼓山路向雲間落  
滏水船從地底通秋草尚疑曹氏塚  
野花無復趙王宮  
古來富貴皆黃土莫笑行人憶夢中

武城

武城村南十丈塵百回立馬問行人  
古臺壞雨埋銅爵

高冢移雲臥石麟三分早恨英雄死九錫深悲命數頻  
萬古漳河自來往秋來臨眺最傷神

淇州

湯陰縣前秋氣悲路人為說紂亡時比干死諫猶存墓  
西伯拘幽尚有祠草沒廢城牛牧遠樹侵官道鳥飛遲  
西風落葉成多感行過朝歌却賦詩

汴梁

汴上荒城繞故宮山頭危石墮秋風夷門市起聞嘶馬

梁苑樵歸見斷鴻  
鬪草尚餘殘後碧  
進花無復盛時紅  
欲登高處腸先斷  
滿目閒愁賦未工

上蔡

上蔡城頭黃葉多  
聞雞看劍起長歌  
徒憐丞相東門犬  
猶憶將軍半夜鵝  
樹底衣裳沾霧雨  
馬前燈火動星河  
涼風滿路吹行鐸  
那似金門聽玉珂

汝南

驛騎如雲遠自天  
眼中陳蔡鬱相連  
高塵映日飛黃霧

亂木含風舞翠烟  
汝水近通城北路  
確山遙帶郡西田  
經過莫怪頻回首  
無限秋懷攬轡前

武昌

武昌城中山氣涼  
欲行還住意何長  
荆衡樹暗來秋雨  
江漢樓高下夕陽  
禰衡作賦愁鸚鵡  
李白題詩憶鳳凰  
此去朝廷今未遠  
南征烟火日相望

登南岳二首

衡陽烟樹翠重重  
知有僊居近古松  
采藥猶嫌山鬼識

誦經不使世人逢日光冷射朱陵洞雲氣晴重紫蓋峰  
惟恨南征逼霜雪未能相逐徧攜筇

萬壑千峰次第開祝融最上氣崔嵬九江水盡荆揚去  
百粵山連翼軫來入樹恐侵玄帝宅牽蘿思上赤霄臺  
明年更擬尋春興應及瀟湘鴈北迴

興安縣

亂峰如劍不知名篁竹蕭蕭送驛程粟未休離水役  
負戈猶發夜郎兵百蠻日落朱旗暗九嶺風來畫角清

空使腐儒多感慨西南羣盜幾時平

謁羅池廟

柳州刺史愛羅池廟食千秋傍水涯  
隔坐挑榔風瑟瑟近簷檄攬露垂垂  
唐碑載事班前史楚曲迎神叶古詞  
欲借題籤卜行役祇慙無禮強知詩

書南寧驛

歲晚馳驅憶帝京北風回首重關情  
中天日月迴金闕南極星辰繞玉衡  
父老尚煩司馬檄蠻夷須用伏波兵

也知文德能柔遠傳道新恩欲罷征

次韻智禮部贈黃忠州

舊臨邊鎮早從戎新遣諸郎亦有功  
留在豹韜知合變佩來龍劍識英雄  
西山幾月烽烟定南土當年貢賦通  
會見文翁化成俗不勞壯士挽強弓

書如月江橋市驛

迢迢旌節指天隅歷歷山川載地圖  
市發朝霞晴捲布江生明月珠名夜還珠  
禮從陸賈來時定俗自任延去後



殊親見蠻邦慕冠冕只令聖德似唐虞

瀘江

瀘江之水發南詔龍編古城居下流馮夷伐鼓迎漢節  
泉客弄珠隨越舟鯨海遙連白日動鼇山近戴青天浮  
層波莫據鼃鼃險日夜東歸未敢休

題天使館

元統三年頒正朔詔書還到極南開使旌入館青雲動  
仙蓋臨江白日迴諭蜀豈勞司馬檄朝周終見越裳來

還家者舊應相問文化如今遍九垓

却侍姬

連夕蒙遣侍姬皆却辭却我輩非陶穀輩人不宜以此見

夜宿安南天使館主人供帳爛相輝寶香一作爐起風

過席銀燭花偏月照幃王母謾勞青鳥至文簫先放綵  
鸞歸書生自是心如鐵莫遣行雲亂濕衣

落梅

梅蕊紛紛落小池粉牆猶護折殘枝臨風見影時堪惜  
步月聞香每自疑萬點撲簷飄乍急數回沾帽拂還遲

北來羌管多愁思  
好謝行人且莫吹

華林村

華林步頭江徑迂  
晴烟渺渺見村墟  
水邊茆屋圍青竹  
樹底柴扉掩綠蔬  
國老把杯齊送別  
館人操紙解求書  
歸程正遇寒花發  
滿處清香逐使車

崇仁峽

扁舟夜宿魚龍窟  
久客長懷虎豹關  
歲暮思家成白髮  
天涯持酒得青山  
張騫浪喜蒲萄入  
馬援終嫌薏苡還

天子只今勞遣使將軍何日遂平蠻

贈黃天瑞

臨江人善奕棋當路  
喜之遂得巡微之職

嶺外相逢春正寒知君能奕動衣冠  
風簾落子花搖席  
夜燭收枰月轉闌松下或尋仙客  
對竹間應任野樵看  
由來此道通兵法即遣籌邊也未難

寄雅正卿

送別都門秋葉飛臨岐猶記把征衣  
嶠南歲月鶯啼早  
江北風沙鴈過稀  
張騫奉使經年至馬援平戎幾日歸

却望旌麾倍惆悵  
往來人事苦相違

桂林喜呂仲實僉憲至

正月交州奉使歸  
忽聞鞍馬發王畿  
嶺南障雨開銅柱  
江上春雲逐繡衣  
草熟蟲蛇常並出  
樹深豺虎近皆肥  
明朝按節勞諮訪  
邊郡于今未解圍

寄湖廣僉憲姚子徵

憶君驄馬赴金陵  
送別題詩久未能  
秋後也知鷹鷂擊  
春來惟恨鴈無憑  
洞庭地坼連青草  
林邑天迴帶白藤

南北馳驅只相望飛霜何處濯炎蒸

過故妻墓

湘皋烟草綠紛紛洒淚東風憶細君  
每恨姮娥工入月  
虛疑神女解為雲花陰午坐閒金剪竹  
裏春愁冷翠裙  
留得舊時殘繡在傷心不忍讀迴文

洞庭連天樓

崔嵬古廟壓危沙縹緲飛樓入斷霞  
南極千峯迷楚越  
西江衆水混渝巴鮫人夜出風低草  
龍女春還雨濕花

北倚闌干望京國故人何處認星槎

和黎別駕飄然樓

老子樓居頗近僊樓東常繫泛湖船  
衣冠已任隣人識文字兼從過客傳  
桂夕把杯還問月花時吹管欲乘烟  
登臨莫苦懷鄉國著述猶堪托莫年

送羅用賓靖州教官兼簡諸從事

柳色新袍照洞庭西南幾夜候文星  
水浮七澤通黔白山擁三苗過峽青  
銅鼓不勞歸鑄馬絳帷還見坐橫經

府中從事君知己應共哦詩使六丁

龍翔寺

梵王宮殿倚青冥先帝旌幢擁百靈寶網自鳴空裏樂  
琅函時出賜來經近山鳳去花仍碧遙海龍歸樹獨青  
玉輦宸遊竟寥廓行人揮淚讀新銘

鳳凰臺

太白題詩鳳遊處古臺蕭索換流年風流偶出齊梁後  
文藻猶含晉宋前淮水夜明滄海月石城春暗秣陵烟



古來宮殿俱無迹風雨凭高獨黯然

候友人不至戲作

儀真城下菖蒲節晴日江頭錦繡文旗影送船侵樹過  
笛聲催鼓隔花聞雙龍鏡化閭風雨五馬歌沉暗水雲  
日莫故人期未至誰家看舞石榴裙

送奎章典書王可賓歸陳

儒臣侍講黃金殿閣吏依光白玉除親在未沾三釜祿  
使回先寄數行書叢臺日莫啼烏烏蔡水霜清見鯉魚

歸到高堂說文治五雲遙指帝王都

送張良佐歸鄉

知君京國久飄零舊隱南宮樹色青  
平子莫年能作賦志和初歲已明經  
石田每恐荒秋雨銀漢虛勞問客星  
聞道鄉心與詩思夜隨寒月遠柴扃

挽劉漢璋

舊遊京國夢林泉老就揚州築墓田  
海上遂疑徐市去濟南誰得伏生傳  
藥欄寂寂臨春水松館蕭蕭對暮烟

身後愧君名或泯故人哀思倍凄然

送篤御史之南臺二首

旅館天寒盡日空繡衣臨訪走兒童已聞俗客驚題鳳  
更訝隣人失避驄短鋏實愁歸後見清樽虛擬別時同  
明朝振策秦淮道惆悵燕雲隔斷虹

金陵臺畔栢森森馬首飛霜已滿林定有文章兼論建  
豈無風采屬登臨東隅地限諸夷遠南服天圍五嶺深  
吳楚誅求極困敝干戈饑饉轉關心

送趙仲禮御史兼呈王侍御五首

文章御史久為郎南赴金陵道路長  
百粵雲山連楚大  
六朝烟樹入隋荒  
清秋按郡行  
驄馬落日登臺詠鳳凰  
新喜諸公振風采  
早聞當道去豺狼

都門相送意躊躇  
別路秋生白羽車  
霜雪總看鷗去疾  
風烟那問燕來踈  
嶺南斥候愁烽燧  
江左誅求畏簡書  
白面少年空解事  
繡衣行縣定何如

建業城頭烏亂啼  
知君感古夜聞雞  
荆揚貢賦元趨魯

晉宋文章漸入齊  
草疏或依松影坐  
哦詩應就竹陰題  
書來宜憶京華客  
日日長衢聽馬嘶

袞袞晴雲塞要津  
終聞聖主用儒臣  
蜀都文物來西漢  
奎閣圖書近北辰  
此日賜官簪獬廌  
暮年留像畫麒麟  
極知風俗須揚激  
肯使賢才但隱淪

賜車南粵初歸日  
駐楫秦淮欲暮天  
嘯詠偶經梁舊寺  
登臨猶憶晉諸賢  
謝安別墅蟲鳴裏  
王導新臺鳥去前  
多謝府中賢侍御  
別時能作送行篇

和馬中丞送女子元按部湖廣

法星夜入斗南天人候乘驄動隔年嶺外轉輸疲郡邑  
海隅征戍廢田園馬援定地思標柱蘓武歸朝恨蓄氊  
想見巡行得風俗尚論信賞勸才賢

題奧屯主簿藏其叔滄江公翰墨

從父舊為湖北使老年亦就漢陽居晴登大別題黃鶴  
暖立滄江翫白魚杜佐未忘工部學庾郎休慕右軍書  
只今耆舊凋零盡撫養傷懷淚滿裾

次韻曾士敏寄其子經筵典書元傑二首

南豐老人鶴髮稀  
遙憐令子客邦畿  
步隨玉佩趨延閣  
書發金繩對袞衣  
休怪赤駟終日去  
也知蒼隼得秋飛  
江邊吟罷無人見  
拄杖時能陟翠微

天涯游子日思歸  
行李何時發帝畿  
司馬未論金換賦  
買臣終欲錦為衣  
紫駟車動秋塵合  
黃犬書回莫雪飛  
我亦鄉心滿江浦  
千山烟樹正霏微

宋氏西亭

宋家亭子渭城西  
賓主幽尋每杖藜  
把酒柱間桑樹遠  
披衣墻下麥苗齊  
雷霆暝閉龍門石  
烟霧晴生瓠子堤  
何日相從覽竒勝  
新詩還對野人題

重午寓楊公館

翰林宅中值重午  
節物驚人心欲摧  
汨羅萬古烟波去  
幽薊今朝風雨來  
山中菖蒲已可服  
庭下石榴猶未開  
主人總有故園意  
與客慰藉共傾杯

送熊天瑞南歸



豫章先生筋力優既老攜書能遠遊風烟迤邐燕薊晚  
日月蹉跎梁宋秋青燈獨夜有歸夢白髮終年無客愁  
京國令晨却南去將詩萬卷更何求

送林彥廣祠南北鎮

中使傳香下玉墀儒臣代祀出金閨旛幢北起開恒岳  
舟楫東廻入會稽望海也知晨駐馬渡江休信夜然犀  
名山見說多仙氣應得從容散杖藜

詠林廣文種竹

高齋叢竹珍如玉手種堦前看發生故土已無雲帶至  
新稍都謝雨催成坐中曙接淇園綠簷下秋含嶰谷聲  
見說主人多野趣客來從看不通名

舊葉蕭蕭槁復青新叢細細斬還生  
斲當醉日愁仍損澆過炎天訝忽成  
步月獨歸貪翫影臨風閒坐喜聞聲  
相過况是無塵俗青簡留題最盛名

寄王君實二首

北望夜冠憶省郎遠隨車駕幸灤陽  
苑中苜宿空騏驥

池上梧桐起鳳凰中使有時傳賜酒近臣何處避含香  
上林此日無來鴈吟罷題書欲斷腸

遊子江南生事微五年京國夢柴扉彈冠總為王陽在  
垂橐虛隨陸賈歸藜藿已秋仍寄食芟荷當暑未成衣  
諸公也念求升斗日夜高堂白髮稀

送王思文上舍

京華日夜憶庭闈路接南天思欲飛衡岳數峰開縹緲  
洞庭千樹入霏微館中共惜何蕃去江上應逢宋玉歸

來歲花開擬相覓  
預愁烟雨濕春衣

題陳從古壽藏可居亭二首

浮世百年那得知  
丘原同盡不須悲  
雲間拔宅星河冷  
海上求仙日月遲  
蓋棺只合生前定  
荷鋪徒勞醉後隨  
絕愛可居亭下客  
青山相好即相期

山中築室真堪老  
身後知歸即是仙  
預斷竹根開秘壤  
親栽松樹逸空阡  
一生慷慨飛鳶外  
千歲風流化鶴前  
想見登臨增曠達  
酒壺棋局任流年

送孫伯起掾嶺北二首

人為掾吏趨公府，忽去親朋赴朔城。  
黑水舊聞龍北起，青天惟見鴈南征。  
蒼茫部落連諸邸，迤邐山河接兩京。  
王室由來重藩屏，省郎切莫負才名。

北去頻聞霜雪多，驛程猶是過灤河。  
悲風絕幕迴蒼隼，落日穹廬臥紫駝。  
行色且謀寒夜飲，別懷休憶醉時歌。  
都門已隔千行柳，况復鄉山老薜蘿。

題紀靜卿竹園

聞君種竹今成圍，繞舍青青手自治。  
花塢犯根休聽斲，韭畦妨筍更教移。  
即通好客深開徑，稍斷行人遠插籬。  
因憶故園荒欲盡，為君悵望一題詩。

寄鄂季弟幼霖并寄仲弟次舟二首

弟兄終歲長羈旅，南北何時却定居。  
春至數瞻衡岳鴈，秋來猶食武昌魚。  
每愁年長須經事，即恐家貧廢讀書。  
仲氏應門獨辛苦，平安消息近何如。

吾親霜鬢日紛紛，為客艱難不使聞。  
養老只須常善飯。

生兒何必總能文書同洛下思黃耳心似河陽見白雲  
季弟還家報兄好歸期猶恐過春分

聞張吏部督海運歸詠懷奉簡二首

日邊雙節下滄溟雲際千艘赴驛亭直為邦畿須轉粟  
也因江海念流萍玉京永夜瞻卿月銀漢清秋識使星  
待盡西風始相見客愁如酒一時醒

絕域歸來歲月過應憐辛苦涉風波楚人不得輕毛遂  
漢使因能屈趙佗自古諸溪連盜賊祇今五嶺徧干戈

微官乞就江南地直念庭闈白髮多

別山北憲掾傅子通二首

邊城置驛往來通憲府臨藩政化同三語忽傳收薦鷄  
一經猶得佐乘驄遼東地盡玄菟闊漠北天寒白雪空  
此去行秋勿容易吾先臺閣舊生風

北望車塵損客顏塗陽萬水復千山乾坤歲莫多離別  
道路天青忽往還海鶴朝吟風滿旆冥鴻夜度月臨關  
此時馬上應相憶却羨寒雲盡日閒



九日同陳道之攜酒過揭公

每歲登高喜重九，令秋天地獨堪驚。青山即恐西風滿，

白日長愁北極傾。

時地動

故人對酒思陶令，今上求言憶

賈生。忽見新詩使腸斷，看雲對菊淚縱橫。

安南使饋香因分送京下諸公

南粵名香屑異材，遠人持贈比瓊瑰。採經銅柱秋雲濕，  
熏對珠崖夕雨開。入朝喜見朱鸞定，充貢還隨白雉來。  
久憶諸公擬分送，却愁蒼莖誤相猜。

送著書曹裕之赴銓

京國風塵共起居，朝廷文物用吹噓。  
不緣張斐能推律，誰識虞卿解著書。  
江路月明梅漸發，荆門霜落柳全疎。  
看君被檄南州去，即見青雲動里閭。

酬黎別駕

天涯為別動經年，空有音書托鴈傳。  
時見遠人來闕下，不忘孤客去江邊。  
青山訪竹雲生褐，梵寺尋僧雪擁羶。  
想得郎官湖上月，清輝長共此心懸。

送東宮說書周仁袁歸里

知子京華厭久居，慈闈多病憶江魚。  
雲深鶴禁辭通籍，月暗螺江夢倚閭。  
別騎冷隨沙樹遠，歸舟晴照楚梅疎。  
獨慚歲莫仍羈旅，腸斷千峰隔敝廬。

傅與礪詩集卷五